



Inatsisartunut ilaasortaq Nikolaj Jeremiassen, Siumut

§ 37, imm. 1 naapertorlugu apeqqut nr. 202-mut, sumiiffinni aalajangersimasuni qassusersorluni qilalugarniarnissamik ammaanissaq pillugu pilersaarummut akissut

Inatsisartut suleriaasianni § 37, imm. 1 naapertorlugu, Naalakkersuisunut apeqqute-qarputit sumiiffinni aalajangersimasuni qassusersorluni qilalugarniarnissamut ammaasoqarnissaanik pilersaaruteqartoqarnersoq. Apeqqut uanga susassaqarfijisannit akineqartussanngorlugu innersuunneqarpoq.

Apeqqut: Qilalukkanut qassusersornerup sumiiffinni aalajangersimasuni atugaan-issaa ammaffigineqarpa?

Qilalukkanik qaqtanik qernertanillu illersuineq piniarnerlu pilligit Namminersorlutik Oqartussat nalunaarutaat nr. 7, 29. marts 2011-meersumi § 14, imm. 4 naapertorlugu sumiiffinni Qaanaami kiisalu Tunumi sumiiffinni aqutsiveqarfiusuni qassusersorneq atorneqarsinnaareerpoq. Tamatumunnga allanngutissat, assersuutigalugu apeqqute-qaatinni taasattut Kangaatsiami qassusersornermik ammaanissaq pillugu, tamanna siuliani nalunaarutip allannguiteqartinneqarnissaanik kiisalu kommunem ieqqoreqqu-sakkut maleruagassiorrissamik piumasaqaateqartitsissaaq. Sumiiffiit aqutsiveqarfiiit marluk siornatigut nalunaarummi pisariaqartumik kommuninit ieqqoreqqusaqarput, qilalukkanik qaqtanik qernertanillu qassusersornissamik akuersaarinnittut. Taakkua tassaapput aqutsiveqarfiiit Uummannaq aamma Ammassalik. 2009-p ingerlanerani Uummannap periaaseq inerteqquaalersippaa, piniariaasiummat immikkoortiteris-sutaasinnaanngitsoqsinniillunilu pisaqarpallaartitsisinnaasoq.

Naluneqanngitsutut Sisimiut eqqaani kaperlattarfimmiit Kalaallit Nunaata taartaler-saalersarnera, tamatumalu aallaasinik sakkoqarluni piniartarneq ajornarsisittarpaa. Qaanaap aqutsisoqarfiani kaperlattarnera Kalaallit Nunaanni sivisunerpaajusarpoq, tamatumalu kingunerisarpaa piniarnissamut pissutsit ajornakusuulersarnerat. Qaanaap Tunullu aqutsiveqarfii aammattaaq assigiissuteqarput, tassalu ungasissutsit sikuusar-neralu peqqutigalugit ukiumut ikittuinnarnik umiarsuarnik angalasarneq pilersuinerlu periarfissaqartarmat.

Innuttaasunut neqinik pilersuinerup isumannaarneqarnissaa pillugu, sumiiffinni qangali piniartarfiusuni qassusersorluni qilalugarniartarnissaq pillugu Naalakkersuisut aalajan-giippuit. Kissaatigineqartutut nalunaarutip suliarineqarnerani nalinginnaasumik Qaanaap aqutsiveqarfiani Tunumilu, suli taamatut piniartarfiusumi, tamakkiisumik qassusersorluni piniartarnissap inerteqquaalersissaa inassutigineqarpoq, taamaalillunilu teknikkut suleriaatsitigullu qaqtanik qernertanillu qassusersorluni piniartarnerup misilitta-gaqrfiginerusaanni. Teknikikkut atortulersuutit nalunaarummi ilanngunneqarput, taama-

28. oktober 2013

Suliap normua 2013-091097
Allakkap nr. 1369685

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.naalakkersuisut.gl

tut piniariaatsip akuersaarneqarnissaa pillugu kommunip ileqqoreqqusaliniornissaanik suli piumasaqaateqarfiusumik.

Kalaallit Nunaat inuiaqtigiiffiuvoq qanga pissutsinik pissamaatillu uumassusillit nutaali-aasumik aqunneqarnissaannik pingaartitsisorujussuaq. Ilaatigut piniagassat annaasat naatsorsorneqartarnerat pisassiisarnermi kiisalu uumasut isumannaatsumik iluaqutigini-arneqarnissaat pingaaruteqarluinnarput. Qassutinik piniarnermi pisat annaasat aalajan-giiffingeqartarnerat ajornakusoortuusarpoq, piniariaaserlu tamanna ullumikkut aqtsinermut annertuumik unammillernartoqartitsilluni.

Silianiittut tunngavigalugit, nalunaarummi atuuttumi malittarisassat atuuttut allan-ngortinnissaanut pilersaaruteqartoqanngilaq.

Inussiarnersumik inuulluaqqusillunga

Med venlig hilsen

Karl Lyberth